

28320
5


WIDENER



HN Q2NC H

Aus 28320.5

HARVARD COLLEGE
LIBRARY



FROM THE FUND OF
CHARLES MINOT
CLASS OF 1828

23723


Ans. 2. . . . 5



Ein Lobspruch der

Hochlöblichen weitberümbten Khüniglichen Stat Wienn in Osterreich, wölche wider den Tyrannen vnd Erbfeindt Christinit die wenigist, sondern die höchst Hauptbesfestigung der Christenhait ist, Rö. Khü. May. 20. vnserm aller genedigisten Herrn zu Ehren beschriben, durch Wolfgang Schmelzl, Schulmaister zun Schotten, vnd Burger daselbst im 1548 Jar.

Zu dem dritten mal vbersehen
vnd gebessert.



Wienn in Osterreich, durch Matthbeum
Ruppitsch, Büchfurer. 1849.

Ans 28320.5

HARVARD COLLEGE LIBRARY

NOV. 7, 1919

MINOT FUND

Dem Edlen Ernuesten
vnnnd Weysen Herren, Sebastian
Schrang, Burgermaister, auch andern
Edlen, Ernuesten, Hochgeleerten, Ersamen,
Hochweysen, meinen Gnedigen vnnnd gebie-
tenden Herrn, Ersamen Raths der löblichen
Stat Wienn in Osterreich, Entbeüt ich
Wolffgang Schmelzl, Burger das
selbst, mein verpflichte, schuldige
vnd willige dienst in vnder-
theniger gehorsam
züuor.

Gnedige Herrn, was gunst, lieb,
vnd vätterliche naigung der Edl vnd
Vhest herr Steffan Tendt, Ró. Khú. Maj.
gewesner Rath vñ Burgermaister, seliger
gedechtnuß, zü jecz gedachter löblichen Stat
Wienn vnd dieser Ersamen Burgerlichen
gemeinschaft alhie gehabt vnnnd getragen,
vnd das ambt fünff jarlang mit höchstem
getrewen vleiß verricht vnd gehandelt, ist on
zweyfel
a jj

zweyfel allen erbarn hertzen wißlich, vnd damit wir arme Burger vnnd Vnderthanen solch sein hertzlich vnd vätterlich gemüt auch nach seinem ableiben noch mehr verstünden vnd empfunden, bat er vor seinem weib vnd kindern, auch vnuerhindert aller seiner geschafft vnd zeitlichen narung, in seiner tödtlichen vnd schweren krankhait, bey jm selbs vleissig zu hertzen geführt, beratschlagt, nachgedacht vnd betracht, wer doch nach seinem todt diser Ersamen, frommen vnd gehorsamen gemain, in disen schweren, geschwinden vnd geferlichen Kriegsleüffen mit erbarkeit, weißheit, güten sitten vnnd tugenden teuglich wer, vñ solchem trefflichem ambt statlich vorsteen möcht, vnd also E. G. herr Burgermaister nit vbersehen, sonder zu seinem verwalter erbeten vnd vermügt, wie auch E. G. volgends nach seinem todt, durch Röm. Khü. Maj. 12. vnd derselben hochlöbliche A. Regierung, nach vorgeender Ratswal, vnd mit den meisten stimmen, vnd nun zu dem andernmal zu volkomenlichen Burgermaister

maister angenommen vnnd bestetigt sein, der
 Allmechtig barmhertzig Gott, geb und ver-
 leyhe R. G. auch solche gnad vnd so lang, ja
 vil lenger zů regiren, wie dann niemandts
 zweyfelt, R. G. werden vns arme Vnder-
 thanen im fridt vnnd solcher Burgerlicher
 gehorsamerhalten. Vnnd die weil ich bißher
 durch meinen einfeltigen verstand hochge-
 dachter Ró. Khú. May. 12. vñ diser löblichen
 hochberůmbten Stat zů ehrn, jårlich ein Co-
 mediam geschriben, damit das gemain, vn-
 gelert, jung volck durch Systorien vnd Ex-
 empel zů einer besserung, Gott vmb fridt
 vnd erhaltung vnser Christenlichen waren
 Religion, Ceremonien vnnd vatterlandts
 hertzlich zů bitten geraigt wurde, wie hoch
 von nóten, auch billich vnd Christenlich das
 diser löblichen Stadt Wienn vnd des gangen
 landts Osterreich wegen geschehe, hab ich
 für mich genomen, souil mir in eyl móglich
 vnd gründlich zů erfaren gewesen, dise Stat
 irer herrligkait vnd Policey kurtzlich zů be-
 schreiben, domit das gemain volck doch sehe
 vnd

a j j j

vnd versten müg, in was Rosengarten, lust
vnd Paradeysß vns der Almechtig Gott für
ander Nationen vñ Lande gesetzt, derhalbé
billig alle Christenliche hertzen vnd wir schul-
dig sein, Gott ewig lob, ehr vñ preysß zû sagen,
vnd zû bitten, das sein Göttliche allmächtig-
kait, dises Rdl, theuer landt Osterreich vnd
Stat Wienn vor abfal vnd verderben ver-
hüeten. auch mehr hochernanter Röm. Khü.
May. 2c. vnserm aller genedigisten natür-
lichen Erbherrn vnd Lanndtsfürsten syg
vnnnd iberwindung gegen allen jren wider-
sachern vnd feindten der Christenhait barm-
herziglich geben vnd verleyhen wölle, das
wir auch arme vnderthanen sampt R. G.
im fridt vnd ainigkait Gott loben vnnnd
preysen mügen, Amen. Wil also
disen Lobspruch R. G. sament-
lich verehrt, vnd mich derhal-
ben hiemit vnderthenig
beuolhen haben.

Man

- W**An spricht: witz kumen nid vor jarn,
Ein jung gsel sol sich vil erfarn,
Nit alzeit hinter dem offen sitzn,
Negel abschneiden, hölglein schnitzn,
5 Grillen stechen, fleugen schlagen,
Er wirt sunst jederman verschmahen,
So er nichts ghört, nichts gesehen,
Was des orts oder dort ist gsehen.
Ein solcher gwißlich wais nit wol,
10 Wie man ein frembden halten sol,
Vil weniger gmain nutz er fhan
Durch sein erfarnung richten an.
„Ein jung gsel, der das landt nit paut,
Wirt zügleicht eim vngschmalzen fraut.
15 Sey dann in einer solchen Stat,
Darin er findt Kunst, witz vnd Rath,
Güte sitten, so mag er pleibn,
Im vatterlandt sein zeit vertreibn —
Oftt fleugt ein Ganß hin vber mehr,
20 Vnd kumbt ein Ganß wider on lehr —
Doch frembdt erzeucht vnd leert recht,
Macht oft zum herrn ein armen knecht,
ajjjj

- Der sunst dahaim erstunk, erfault,
Sür langweil sich am tutten mault.“
- 25 Solch redt mein vatter oft hat than,
Ein fromer armer handwergks man.
Villeicht mir solchs zü ghör gredt,
Derhalben ich mich von jm thet.
Die Reichstet im Römischen Reich
- 30 Besicht ich vleissig alzügleich,
Set grosse achtung, ob ich fundt
Ein ort do ich mich neren fundt.
Es sah mich wol nit vbel an.
Manch gwaltig stat, gelerten man
- 35 Vnd trefflich Policey ich sandt,
Dieweil ich aber vnbekant
Nit pleiben mocht an disem ort,
Vieln mir wider ein meins vattern wort,
Die ich gemerckt mit allem fleiß,
- 40 Dann not ein mant, sucht weg vnd weiß,
Wie Kayser Maximilian
Ein treffenliche redt het than:
„Er het ein landt mit gulden bergen,
Die straß daselbst gang sylbern wern!“

- 45 Auch sprach er oft: „o Osterreich!
Wo mag man finden dein geleich?
Rein landt mir nie paß gefallen hat,
Du hast den namen mit der that!
Der pest Saffran in aller welt
- 50 Wechst neben traid, wein auff dem velt.
Zû gmain jaren ein oberfluß,
Werß sicht das billich loben muß.
Vil landt das Serzogthumb allein
Järlichen speißt mit traid vnd wein.
- 55 Die Auen an der Thonaw nebn
Ein notturfft holz zu prennen gebn.“
Sagt auch für wunder offtermaln:
„Mit großem gût môcht man nit zaln
Die weinstecken im weingarten
- 60 So man bedarff diser orten.
Ein landt am volck gewaltig reich,
Gût mûnz, groß gwich vnd maß dergleich.
Vil Kayser, Kûnig, Fürsten, Serzn
In disem landt geboren werdñ.“
- 65 Auff dise wort thet ich mich bsinnen
Vnd auf der schaitten abwertz rinnen

- Bis geen Kornneunburg an das gstat.
 Wir hetten schier al gebat
 Vnd mit der Nasen Gruntl gfangen.
 70 Nachmals zû fuessen bin ich gangen.
 An die Wolffsprucken kam ich paldt.
 Ich dacht den ganzen Behamer waldt
 Set man genomen; abgehaut,
 Damit ein solche prucken paut.
 75 Sat zweyhundert vnd sechzig schrit
 Vnd dreyzehen joch, noch pleibts oft nit!
 Wenn geht der stoß vnd waßer geußt
 Solch gweltig holzweg als weg fleußt.
 Nit weit ich gieng auff truckem landt,
 80 Ein flaine prucken ich mehr fandt,
 Acht joch hundert vnd sechzig schrit.
 Ein alter Pauer zottet mit,
 Der fragt mich: „was ich maß vnd zelt?“
 „Wieuill ein jede pruckn schrit helt“
 85 Sagt ich zû jm vnd wundert seer,
 Das Thonaw so weitleuffig wer,
 Wie man vermócht solch gwaltig paw.
 Vil prucken sunst seint in der aw.

- Ich maint wer schon gar bey der stat,
90 Er sprach „noch länger prucken es hat.
Von Wolffsprucken geen Wienn, glaubt mir,
Ein große halbe meyl habt jr.
Die langen prucken schaut dort, seht!
Erst kumbt jr auff die Thonaw recht,
95 Da ist gar manches gwaltigs ploch.
Sünshundert schrit lang, dreißig joch
Ist dise pruck ganz vest gepaut.
Nun zeucht die Riemen, gebt die maut!
Sie khumb wir auff den Tauber ein.
100 Sindt Triegler bier, gûten wein.
Bey diesem Mauthauß frug vnd spat
Die khünigkliche Mayestat
Der Maut den halben teyl nimbt ein,
Den halben teyl ein ersame gmein
105 Zu Wienn. Was táglich do gefelt,
Daruon man die Stat peulich helt.
Die setzt Mautner fleißig getreu,
Als gelt geht wider auffß gebeu
Waß an dem wasserstram geprist.
110 Der Edl vnd Vhest zu diser Srift

- Sebastian Steger, ein burger,
 Gesezt zu einem Pruckmaister,
 Sein treue dienst gesehen an.
 Steffan Schwarz der ist Sauptman,
 115 Sat vnter jm sybn mautner auch,
 Die maut zû fordern, wie gebrauch.
 Sie dienen, schauen auff mit vleiß,
 Das gang jar findt man bey jn eiß.
 Legens in ein grûb hinhinder,
 120 Pleibt khalt im Sumer als im Winter.“
 Ich gab mein maut vnd gieng für mich.
 Pald in die Schottenaw kham ich.
 Groß Serin do warn in gulden khetten,
 Sprengten auff Türcken vnd Genetten,
 125 Sârzschirten, triben ritter spil.
 Deßgleichen Burger, Khaufleut vil,
 Spacirten, rentten hin vnd her.
 Indem ich hôret schreyen seer,
 Schaut mich oft vmb, was das must sein,
 130 Do fuert man große Daß mit wein,
 Dem anzug zû vnd stundt von fern
 Ein großer hauffen Chorhern.

Gar zrißens gfind, voll vnd verwegen,
Salffen die wein an dscheff anlegen.

135 Es fuer her mancher gladner wagen,
Vil tausend Emer vor do lagen,
Wie dann zu Serbstzeiten geschicht.
In dem ein Khauffman zû mir spricht:
„Ich merck wol, das jr vor nit seit

140 Sie gewesen. Zû lesen Zeit
Wurd jr sehen ein ander gstrâpl
Mit fueren tragen vnd gezâpl!
Wer vor Martini nit einfuert,
Darnach jm solches nit gebuert.

145 Auff ein tag auß diser Stat Wienn
Seht jr vil tausend leser außgen.
Das lesen vier wochen werdt,
Tâglich tausent fûnshundert pferdt,
Dreyhundert wâgen muß man han,
150 Die oft ein tag drey fuer than
Vnd bringen zûsammen disen wein.
Last das ein schöne weinwachs sein!
Das muß man im jar vier mal
Mit hawen vmbarbeiten vberal,

b iij

- 155 On andre arbeit die man sol
Zu weingarten verrichten wol,
Als anziehen, vor kaltn windn
Schneiden, rebnclaubn, jeten, pinden,
Abgipffeln, steckenziehen, gruebn.
- 160 Zum lesen darff man vil böser puebn,
Die lesen, mosteln, puttentragn,
Ein Fürman mit roß vnd wagn,
Der den Maisch fuert haim zu hauß.
Erst pressen presser most darauß,
- 165 Die pinder müssen auch do sein,
Glaubt mir er gset vil zpringen ein,
Lesens, abbringens in fheller.
Bhalt wir dohaimen nit ein heller,
Als gelt das wir im ganzen jar
- 170 Rauffen auß wein vnd ander war,
Rint auff der Thonaw in Osterreich.“
Ich schaut das pirg vnd dacht mir gleich:
„Das seint die gulden perg vnd straß,
Wölch der frumb Kayser lobt dermaß!
- 175 Von wegen der weinwachs so groß
Suert man herab on vnderloß

Goldt vnd sylber, specerey.

Drumb spricht er: „Thonaw sylberen sey!“

Der Kauffleut knecht, die her mit zogn,

180 Trugen am gelt, das sy sich pogn,

Beygürtln, posagn, vnd in setten.

„Wert eß die Wiener nit erschrecken?“

Gedacht ich mir vnd gfiel mir wol,

Wenn ich die warheit sagen sol.

185 Auff die schlachtprucken gieng ich mit,

Sat fünff joch, sechs vnd neunzig schrit.

Ich stundt vnd schaut güt abentheuer.

Die Galeoten speiten feuer,

Auff den Galeen schossens gschwindt,

190 Ein snel, böß vnd mütwilligs gfindt.

Sy schiffen, fueren ober sich,

So resch, das es verwundert mich.

Wie ich die Stat nun vor mir sah

„O Edles Wienn!“ selbs in mir sprach:

195 „Du bist die port vnd zir alzeit,

Befestigung der Christenheit!

Der Türck mit ernst frú vnd spat

Sein kopff an dir zerstoßen hat!

b jiji

- Drumb alle flecken vmb vnd vmb
 200 In disem schön Erzherzogthumb,
 Ja auch die gang Christenheit schier,
 Dich lieben, hoffen hilff bey dir!
 Das ich dich nun besichten soll,
 Dank ich mein Got, bin freuden vol!“
- 205 Als ich nun nahent zu dem thor
 Vil gharnischt man stunden daruor,
 Vnd fragten mich „von wann ich gieng?“
 Zu antworten in ich anfieng:
 „Khumb herab auff der Thonaw gleich,
 210 Zu bsichten das hauß von Osterreich,
 Weil alle welt vil daruon sagt.“
 Caspar Waidenlich mich fragt —
 Mautner gesetzt von gmainer stat —
 „Wan her, mein landsman, nun so spat?“
- 215 „Mein lieber Caspar, oben herab!“
 „Denk wol das ich euch gsehen hab,
 Zu Leipzig vnd in andern stett?
 Mein lieber freundt, ich wolt schier wettn,
 Ir wert Wolff Schmägl, solt euch kennen?“
- 220 „Ja, also thue ich mich nennen!“

„Mein lieber Wolff, ich freu mich dein!

Sag mir was dein geschafft hie sein?“

„Mein Caspar, hastu nit gehört:

Dem menschn sein brot von Got sey bsichert

225 Um ort das er gedacht het nie?

In solcher mainung bin ich hie,

Ob ich da möcht gwinnen mein brot.“

„O Wolff, der dir das graten hat,

Der gunt dir gûts vnd rât dir recht!

230 Wie mancher frembder armer knecht

Wirt seiner treuen dienst ersetzt,

Vnd hie in ehr vnd gut gesetzt!

Wer sich zu Wienn nit neren kan,

Ist oberal ein verdorbner man!

235 Schaw wie ein zûtragen vnd fuern,

Die wâgn mögen sich nit beruern!

Nur heut auff disen marckt allein

Geladen wâgn seint gangen ein

Drey vnd zwainzig sibenhundert!“

240 Ich sprach: „von herzen mich das wundert,

Wo das Landt souil traidt nur nimbt?“

„Ja wol, sechstu was sunst einkhumbt

c

Zu andern thoren vnd andern tagn
Mit Propiant geladen wágr!

245 Al wochenmárck, an dem Sambstag,
Glaub mir fürwar wie ich sag,
Souil traidt auff den marck gefürt,
Als vormittag versylbert wirt.
Wie große Frieg es glitten hat,

250 Mangelt noch nit ein pissen brot.
Wo ist ein landt das solchs vermöcht,
On abgang zspeisen souil knecht,
Wie than hat Wienn, die edel Stat,
Aus wölcher man gefuert hat

255 Acht vnd vierzig tausent Eimer
Mit gutem Landtwein in das leger?
Vnd ob gleich schier zum andern mal
Das Landt verwüst ist vberal,
In solchem Frieg vnd großer not

260 Ein pfenning seml auf neungehen lot,
Das rocken auff fuff vnd zwainzig,
Auff drey pfundt zwainzig lot, merck mich,
Ein kreuger laib den must man pahn!
Des mocht jm manch Kriegsman wol lachn!

265 Dohaimen müßt er wasser trindn,
Den wein so knollet hie thet schlindn.
Als was doch wolt von nöten sein,
Do fleisch, traid, schmalz, Fäß, fisch vnd wein,
Was aller ding ein notturfft gnueg.

270 Ein Achtring man omb vier aufstrueg.
Auch ist es breüchlich vnd bestellt,
Ob ein Achtring omb zwainzig gfelt,
Wirt eim ein pfenwert weins gegeben.
Nun zeuch hin, bsicht die Stat gar ebn!“

275 In dem Wolff Saller auch her trat —
Mautner Küniglicher Mayestat —
Sieng an zû reden vnd zû lachen,
Sprach: „hie oben secht jr ein pachen
Unter dem Rotenthurn hangen.

280 Derhalben ist es angefangen,
Ob jemandt hie zeücht ein vnd auß,
Sein weyb nit fürcht, sey herz im hauß,
Der mag den pachen herab nemen.
Ist aber bisher Fainer Ehemer!

285 Sangt etlich hundert jar her!“
Ich sprach: „nain, nain, er ist mir zschwer!

cji

Ehe ich mein weib erzürnen wolt,
 Ich lieff ehe weiter dan ich solt.
 Ein küßlein saltz ich lieber zal,
 290 Damit man wider spreng ein mal!“
 Als dann ich bsicht die Stat mit fleiß,
 Vnd maint ich wer im Paradeiß.
 Wie gweltig hößf, hewser ich fandt,
 Rhaum gesehen in einem landt!
 295 An hewsern außsen vnd innen gmal,
 Als werens eytel Fürsten sâl!
 Mit thürnen, festen gibelsmaurn,
 Für feind vnd fewr wol für traurn.
 Die Ziegldach ganz schön mit zinnen,
 300 Schier baß erbaut in der erdt innen,
 Als oberhalb, das glaub du mir,
 Nit gmacht auff glantz vnd augenzir.
 Die ganz Stat ist so gar durchgrabn,
 So weit vnd tieffe Rheller habn,
 305 Vol angesteckt mit Rhülem wein,
 Möchten nit pesser, Rhüler sein.
 Als gmeur von gutem zeug vnd stain,
 Die fenster wol mit eysen zain,

Toppelt vergättert allenthalben

310 Für einsteigen vnd außfallen.

Der vogel gsang so schön erhalt,
Als gieng ich in dem grünen waldt.
Die gassen hübsch vnd wol visiert,
Geradt, auch weit vnd schön purgiert,

315 Gepflastert darzü hoff vnd hauß
Mit herten großen stain durchauß.
Ein yede gaß der gangen Stat
Zum fürziehen jr fetten hat.

Ob der feind in die Stat einfhām,

320 Glaub mir er großen schaden nām,
Die Stat wer drumb noch nit verlorn,
Man schuß, wurff zū jm hindn vnd vorn,
Das er sprech: „wer ich daus mit fueg!
Der äpffl vnd birn het ich genueg!“

325 An das Lugeß kam ich ongfer,
Da tratten Rauffleüt hin vnd her,
Al Nacion in jr claidung.

Da wirt gehört manch sprach vnd zung,
Ich dacht ich wer gen Babilhūmen,

330 Wo alle sprach ein anfang gnomen,

cjjj

- Vnd hört ein seltsams dräsch vnd gschray
Von schönen sprachen mancherlay.
Sebreisch, Griechisch vnd Lateinisch,
Teutsch, Frantzösisch, Türkisch, Spanisch,
335 Behaimisch, Windisch, Italianisch,
Sungarisch, guet Niderlendisch,
Natürlich Syrisch, Arabatisch,
Rägisch, Polnisch vnd Chaldeisch.
Des volcks auch was ein grosse meng.
340 Ich macht mich pald auß dem gedreng,
Gieng auff sanct Steffans freythhoff ein.
In aller höch sah ich ein schein,
Der widerglanz gieng von der Sun,
Wie ein Comet am himel prun.
345 Viel frembdes volcks schaut rbersich
An dem gepeu, verwundert sich,
Wie menschen hendt das bawen Rhunt!
Der zottet Thurn vor vns stundt,
Auff dem in aller höch hinauff
350 Ein knopff brint, als wer die Sun drauff.
Acht eckig von kupffer bereit,
Drein gmesen werden acht mezn traid.

- So er mit wein sein gmesen sol,
Mit sechs emern wirt er vol.
- 355 Vom besten goldt, vergult so rein,
Darauff ein stern vnd halb monschein,
Welchs spiz schier an die wolken gieng.
In dem zu messen ich anfieng
Des thurns weit im fundament,
- 360 Sandt acht vnd zwainzig schrit behent
Sielt yede seit in vierung gar.
Nachmals nam ich mir eben war
Der schönen ghawen pild so groß,
Rosen vnd gwächs on vnterloß
- 365 Von quaderstain gesetzt zusamen,
Mit pley vergossn die eysen flamen,
Befestigt wol mit eysen stangen.
Der thurn, mit laubwerck gar durchgangen,
Gar auff durchsichtig, on ein dach,
- 370 Subtil als ein mensch sehen mag.
Die Thurner bliesen auff der zinnen,
Als hört ich Engl oben singen.
Ich leuttet seer vnd sagt mich an,
Die thur die ward mir auffgethan.

c iiii

- 375 Rham in ein stainen schnecken prait,
Gut anderthalbe klaster weit,
Stig vbersich mit schwerem graß!
Vierhundert vier vnd zwainzig staff!
Auff einen gang kam ich hinauß,
380 Do mocht sich doch das wenigst hauß
Verbergen nit, ich sah al ding!
Gieng vmb den thurn in einem ring,
Schaut weit hinauß auch auff die Stat
Sinab, wie ins thal Josaphat.
385 Das volck thet durcheinander lauffn,
Wie omayß in eim omayßhauffn.
Das gfiel mir in mein herzen wol!
All plätz vnd gassen warn vol.
Wie wol nit altag Kirchtag ist,
390 Sicht man vil volcks zu aller frist.
Die höch des Thurns ich eriragt.
Der Statmaister furwar mir sagt:
Vom monschein ab biß auff die erdn
Sechs vnd achtzig claffter wern.
395 Auch fandt ich in des Thurns gmeuer
Ein glocken groß vnd vngeheuer,

Die hört man gar weit hin vnd her.
 Sundert vnd sechzig centen schwer
 Auff einem stülwerck sie hubsch ligt,
 400 Der Clächl syben centen wigt.
 Ein Vhr in aller höch auch steht,
 Künstlich gemacht, gerecht sy geth,
 Darnach sich jeder hab zu richten.
 Wiewol die ziffer clain, vernichtn
 405 Al menschen dunckt, so doch gewiß
 Ein strich drey viertl ein achtl lang ist.
 Schlecht viertlstund nachmals die Vr,
 Ob einer in der zal jrr wurd,
 Die grossen Glock nit mercken mag,
 410 Die wächter schlagen auch hernach.
 Das preimglöcklein darin auch hecht,
 Ehe dann man zu singen ansecht
 Täglichen frue vnd vesperzeit
 Wirt es ein ganze stundt geleut.
 415 Stig wider hinab, kham hinauß,
 Besicht das gwältig Templhauß.
 Das dachwerck sah als wer es gmalt,
 Rot, gelb, grün, weiß, praun manigfalt,

d

- Von glasten ziegln trefflich zirt.
420 Ein gang darumb gefuert wirt
In aller h  ch sch  n aufgebaut,
Gang umb das dach von stuckwerk paut.
Das holzwerk, das das dach erhalt,
Inwendig dick stet wie ein walt.
425 Der Templ hat funff porten gro  .
Sinumb findstu on vnterlo  
So subtil bildwerk, duncket mich,
Als wer es alles lebendig.
Des Neydharts grab znechst bey der th  r,
430 Gang sch  n aufghauen, gsetzt herfur
Mit sein historien dermassn.
Sat hinder jm vil Br  der lassn.
Gehn fur n t  glich aus vnd ein,
Noch wil jniemandt nit Neydhart sein!
435 Mein Gott, wie vil antiquitet
Von schriften, gm  ln ich vor mir het,
Der aufgehawen Monumentn,
Vor nie gsehen an feinen endten!
Gieng auff die ander seyten auch,
440 Sandt mehr ein newen Thurn rauch,

Der wuchß erst aus der erdt herfür.
Gradt gegn dem andern, bey der thür,
In der weit, groß, schön, form, gestalt,
Von stuckwerk auffbawt wie der alt.

445 Glaub, wer der Turck nit Rhumen dar,
Er wer dergleich verfertigt gar.

Mit frewdn gieng ich in Tempel ein.
Da war Ersamer Rath vnd gemein
Versamelt zu hören Gottes wort,

450 Wie sich geburt an solchem ort.
Vil tausent menschen stunden da
Vnd predigt Bischoff Nausea,
Wie er dann pflegt zu aller Zeit
Sein schäfflein zgeben selbs die weidt.

455 Den Predigstuhl ich schawet an,
Gedacht: „wo lebt ein mensch, der kan
Von stainwerg so subtil ding machn?!“
Mein hertz vor freudn mir thet lachn.
Die kindlein gleich wie in dem lauff

460 Sich narten, Rherten gugel auff.
Auch manche Frot, ader und slang
In stain gehawen auff dem gang

djj

Sich krümbten, paumpten ober sich,
So frey als werens lebendig.

465 Der maister, der diß stück gepawt,
Sat sich so kunstlich selbs eingehawt
In stain am Predigstuel sein hauß,
Schawt vnden zu dem Fenster auß.
Das pflaster gab ein liechten schein,
470 Gmacht von polierten Marmelstein,
In quadrangel schön rot und weiß,
So kalt vnd hel als giengst auff eyß.
Als bald vergieng das groß gedreng,
Maß ich die weitten vnd die leng.

475 Das langhauß und der Chor mit
Sat hundert sechs vnd neunzig schrit.
Sybenzig schrit die brayt innhelt.
Noch eins mir auch von hertzen gfelt,
Des alten Kayser Fridrichs grab,
480 Drob ich mich sehr verwundert hab.
Von Marmelstein so schön gemacht,
Das ain sein hertz im leib doch lacht.
Da sieht man manch histori stohn
Vnd schier den ganzen passion

- 485 Von herten stain außgraben rein,
 Als möcht von gold vnd sylber sein.
 Poliert trefflich, das du dich baß
 Ersichst drinn als im spiegel glaß.
 Der Fursten begrebnuß darbey
 490 Sindstu gemalt vnd gschriben frey.
 Den Thor ich bsicht, das gestül dergleych.
 Glaub nit, das bald im ganzen Reyck
 Ein weitter hoher Thor stehe,
 Welchs gwelb vnmeßlich hoch auff gehe,
 495 Gsetzt auff achzehen pseyler dick.
 Auch hangt herab an manchem strick
 So schöne figuren künstlich,
 Darob mancher verwundert sich,
 Solt ichs erzelen nach der leng
 500 Was Kirchen zier, ornat, gepreng.
 Warlich wirdt sie vergleicht in dem
 Dem Tempel zu Sierusalem.
 Nichts mangelt was solch Ding betrifft.
 Dreyhundert pfründ seind darein gstift,
 505 Bistumb, Thumbherren vnd Probstei.
 Auch helt man aygne Cantorey,

d jii

- Darzu zwo Orgel groß vnd klein.
 In die groß ist gesetzt hinein
 Stymmwerk, pfeffen, gut vnd fleysig,
 510 Tausent sybñhundert acht vnd dreyßig.
 Der Tauffstein in der mitten steht,
 Wer für in hin vnd wider geht
 Mag sich darinn ersehen rain,
 Außghawt von schönem Marmelstein.
 515 Darnach fand ich beym Creüzaltar
 Von Tapistrey vnd solcher wahr
 Bedeckt, ganz köstlich ziert die schran.
 Ich fragt ein alten erbarn mann:
 „Was das solt sein vnd deuten thet?“
 520 Er sprach: „die Vniuersitet
 Wirdt Rhommen vnd Doctores machn.
 Den pomp braucht man zu solchen sachen.“
 In dem da tratten sie daher.
 Doctores vil in hoher ehr
 525 Auß den vier Facultäten,
 Ehrlich beklaidt, jr Kappn hetten.
 Licenciaten, Magistri,
 Nach jnen Baccalaurei,

Studenten vil in einem ring.

530 Ein jeder auch pro forma gieng,
Ir disputiren weret lang.

Macht mich hinzû in dem gedrang.

Mit groÿen ehren diser fart

Serr Johan Gôsel Doctor ward.

535 Mit ward Doctor dises mal,

Auff der Gÿstern Official,

Das ich auch dem die eer geb.

Johan Baptista Pacheleb,

Rômischer Kuniglicher Maieſtat

540 Camer Procurator vnd Rath,

Der Rechten Doctor, was auch da,

Vnd gab in jr Inſignia.

Auch die Regierung vnd vil Prelatn,

Die ſie mit Fleiß darzû erpatn,

545 Do warn in ſolcher herligkeit.

Der Thurner blieÿ darzû, das gleit

Sôrt ich angehn mit groÿem gwalt.

Sprach widerumb zû mir der alt:

„Sagt mir wie euch die hoch Schul gfelt?

550 Die nechſt nach Pariß wirt ſie zelt.

d jiii

- Von dem sechsten Papst Urban
 Confirmiert vnd gefangen an.
 Sie wirdt gemacht manch gelehrter man.
 Getaylet in vier Nation,
 555 In Osterreichisch, Bayerisch,
 Sungenisch vnd Saronisch.
 Drumb Wienn, furwar redich on list,
 Etlicher Land ein Mayrhoß ist.
 Erstlich was gehört zů Gottes ehr,
 560 Als Bischof, Pfarrhern, Prediger,
 Schülmaister, Singer, werden all
 Erzogn, gnomen auß disem stal.
 Die man bedarff zů weltlichem brauch
 Sochlöblichen Regierung auch,
 565 Die Küniglichen Statthalter,
 Cangler, Anwalt, Vitzthumb verwalter,
 Camerráth vnd Burgermaister,
 Richter, Rathern, Statschreyber,
 Vnd gmainklich schier all Officier,
 570 Von hoher Schül Rhommen herfür.“
 Ich sprach: „mein lieber freündt, bricht mich,
 Wo solches volck als auffhebt sich?“

Er antwort mir: „mein lieber Freundt,
Zwölff gewaltige hewser seind

575 Weit vnd vom grund schön auffgeführt,
Gefreyt vnd hoch priuilegiert,
Darinn sie wonen, haben platz.

Es ist fürwar ein theurer schatz,
Dann hie gewißlich vor kurzen jarn

580 Etlich tausent in studio warn.

Wir haben auch hie ein Druckerey,

Die hoch Schül mit gefürdert sey.

Auch ist ein schönes Münzhaus paut.

Der Rhünig zu münzen vertraut

585 Ducaten, Thaler, drykreuzer,
Dem Andres Sartmann Münzmaister.“

Ich gieng herauß auff die Prandtstat,

Da findt man mancherlay hausrat

Umb zimlich gelt sayl alle tag,

590 Wer sein bedarff vnd nur vermag.

Der Saylgthumbstul steht nach darbey.

Darunter hört ich süß geschrey,

Der vögel groß meng sayl was.

Auch mit kapaunen manch groß vass,

- 595 Saist, lustig bereit an die stat,
 Vnd sunst vil wildpret man sayl hat.
 Das volck spaciert hin vnd wider,
 Eins stieß mich auff, das ander nider.
 Gieng wegf vnd bschaut die Gotsheuser.
- 600 Den Oberisten Cometheur
 Im Teutschen hauß, vnter welchem sein
 All Teütsche hewser in gemein
 In Khüniglichen Erblanden.
 Netzt regiert hat vnderhanden
- 605 Der Edel herr Gabriel Kreüzer,
 Baley des Khünigs Radt vnd diener.
 Darnach auch sucht die manß Clöster,
 Die Prediger, Augustiner,
 Minores vnd die Parsuser.
- 610 Am Soff fand ich Weissenbrüder.
 Sückt haim darnach Dorotheer,
 Die habn ein schönes Clösterlein,
 Gepaut inwendig wie ein schrein.
 Drinn Graf Nicolaß von Salm grab,
- 615 An welchem Du magst nemen ab,
 Wieviel schlachten vnd ehrlich that
 Der Edel Graf begangen hat.

Die Freüzherren thünd jnnwonen
 Bey sanct Johans, geystlich personen,
 620 Dann hie seind vier bettelorden.
 Auch wiewil frawen Clöster wern,
 Nachmals fleyßig besichttet hab.
 Bey sanct Laurengen vnd Jacob,
 Sieronymus, Anna, Symelporten,
 625 Auch haist eins zû dem drittñ orden.
 Sunst findt man Kirchen one zal,
 In jedem hauß, auff jedem sal,
 Außgenommen die pfarrlich recht hettn.
 Bey vnser frawen auff der Gsettn,
 630 Trefflich schön pawt vnd wol geziert;
 Bey welcher jetzt gehalten wirt
 Das Consistorium der zeit,
 Was im Passawer Bistumb leit.
 Gieng weiter, sah ein schrift von fern,
 635 Vnd stünd, das hayst bey vnserm Serrn.
 Trat hinein, stellt mich auff ein ort,
 Man sang vnd predigt Gottes wort.
 Ich dacht: ein Christlich gmüt der hat,
 Der darzû geben seinen rath,

- 640 Das da ein newe Kirch so schön
 Vnd zuechst an dem Rathhauß sol stehn,
 Aus welcher ist ein fenster gricht,
 Das man als hören mag vnd sieht
 Gar deütlich in die stuben ein,
 645 So die Serren versamlet sein.
 Herr Colman Schön, vnder Statcamrer,
 Ist dises Gotschauß Kirchmaister,
 Vnd wirt bey sanct Saluator gnant.
 Glaub nit, das sunst im ganzen land
 650 Ein Kirch sey pawt; die hab den nam.
 Darnach ich gehn sanct Michel kam,
 Ein grosse Pfarr vnd Schül darbey.
 Die Kirch ligt auff ein platz ganz frey.
 Sinumb gieng ich ein wenig baß,
 655 Ein alter Man vor der thür saß.
 Ich sprach: „sagt mir, wie haist es da?“
 Er antwort mir: „bey sanct Clara.
 Ist aber seyders Türken mal
 Gemacht zů einem gmain Spital.
 660 Geht hinein, schawt die armen Franckn.
 Gnügtsamlich mügen wir nit danckn

Unserer frommen Obrigkeit,
 Glaubts mir, das oft zu gmainer zeit
 Sunffhundert menschen werden gespeyst,
 665 In fleysig gwart, groß trew beweyst,
 Durch ein fürsichtign Erbarn Rath,
 Welcher herein geordent hat
 Den Ersamen Gorgen Sauer
 Zum Spitsmaister vnd haußvatter.
 670 Dem Pfarrhof vnd der Schül darnebn
 Wirdt speysß vnd vnderhaltung gebn.
 In ist erlaubt das Bierhauß,
 Niemand darff sunst Rhains geben auß.“
 Auch zaigt mir der alt weiter an,
 675 Das hundert vnd neünzig person,
 Kranck vnd frangosen vberkhommen,
 Bey sanct Marx in das Spitsl gnommen,
 Gelegen ausserhalb der Stat.
 Welchs auch versicht ein Ersamer Rath,
 680 Selt in jr Priester, Arzt vnd knecht,
 Damit sie gsund vnd wider grecht
 An seel vnd leib werden gehaylt,
 Darzu Flayder in mit getaylt.

e jii

- All ding ist ordenlich bestellt,
685 Ein aijgen haußuatter man helt.
Über sie ist óbrister Serr
Maximilian Castenhoffer.
Der ist fleyßig, bemút sich hart,
Damit der armen werd gewart.
690 Auch die im Siedhauß won vnd leben
Wirdt zimlich vnderhaltung gebn.
Noch über das vnd anders auch
Ist hie in sterbßleúffen gebrauch,
Jedem wirt geschickt ein General,
695 Die gassn zú saubern vberal,
Abwaschen, fheren ettlich tag
Wóchlich, das General vermag.
Auch sechst in den gassn vnd ringen
Ettlich hundert fewer prinnen
700 Von Franwitholz, weyrauch darzú,
Damit der lufft sich raynigen thú.
Vil Arzt seind bstelt was solchs betrifft.
Ein armer mensch wird Franck, vergift,
Mússen sie haimsuechen; bschawen.
705 Nachmals das niemd an jm ein grawen

- Gewinnen müg, werd inficiert,
Wirt er gehn sanct Johans gefürt,
Vor dem Schottenthor gelegen,
Gar fleysig lest man jr do pflegen.
710 Ist nit, wie mancher plodert her,
Diß volck so vnarmherzig wer,
Ein armes mensch liessen verderbn,
Offlichen auff der gassen sterbn.
Wiewol des armen volcks on zal
715 Auß allen Landen vberal
Täglich zûlaufft, das nit alle khan
Vnderkommen vnd herberg han.
Auch ist auffgricht ein new Spital,
Auf welches ist ein General,
720 Durch Diego de Seraua gsendt,
Zûuerkhunden an allem endt:
Wer dem zu hilff ein gulden legt,
Ob in sein handel nimmer tregt,
In armût oder frantzhait felt,
725 Sein lebenslang man in erhelt.
Darzû er dann durch sein gebet
Von Khüniglicher Maiestet

e iiii

Bey den Minores vom Gotßhauß
 Ein großen Fleck gebeten auß,
 730 Darauff vil zimmer pawt mit gwalt
 Für arme, die sein Franck vnd alt.
 Der Rhünig auß mildem gemüt
 Genaigt zû Gotsdienst, aller güt,
 Zu diesem Spital hat geschafft
 735 Zû Wolckerstorff die schön herrschafft.
 Ober das, wie oben erzelt,
 Aus der Camer ein summa gelt
 Järlich in gibt auß milder handt,
 Die armen mit erhelte allsant.
 740 Wie ich Spital, Gotsheüser bshawt,
 Die prachtlich, gnügsam warn pawt,
 Der Stat nam ich mir noch baß war.
 Maß und fieng an bey dem Stubenthor.
 Zum Schottenthor, durch gass allsamt
 745 Tausent neunhundert schrit ich fand.
 Darnach die Stat creuzweyß durchgieng.
 Vom Burgthor dann wider anfieng,
 Und fleyslig abgeschritten hab,
 Biß zû dem roten Thurn ab

- 750 Tausent funffhundert fünfftzig schrit.
Auch ist löblicher brauch vnd sitt,
Das alle welt, wer hat vnd mag,
Züfürt am Erchttag vnd Sambstag
Vom pauersuoldß ein ganzes jar.
- 755 Ein niderlag mit aller war
Ist hie, drumb mancher Kauffman hat
Sein Sactores in diser Stat,
Als Serbart, Rotn vnd die Sugker.
Im Cöllnerhoff seind ehrlich schlucker,
760 Die Weissen, Schmidtmar, Welscherischen,
Die Lösscher vnd die Püfflerischen,
Der gsellshaft nit all nennen Khan.
Eins tayls seind beim Görg Zimmerman.
Wir haben auch zwir Jarmarckt zeyt.
- 765 Jederman hat freyung, ist gfreyt
Vier wochen, wie ich sag,
Catharine vnd am Auffartag.
Drumb niemd zü Khauffen was gebürt,
Wer dann auff offnen Marckt gefürt.
- 770 Die Burger gemainklich man vnd fraw
Sich neren von dem weingartpaw.

f

- Ein seliger wücher, den Gott ziert,
Was auß der erd genomen wirdt.
Wie ich fürn Nemenmarkt wolt gehn,
775 Die wägen sah ich vor mir stehn
Sogar ineinander gesteckt.
Ja wol der platz mit nichten fleckt.
All gaß herumb stunden gedreng
Mit traydwägen, ein grosse meng.
780 Erst dacht ich an des Mautners red,
Wie er mir vor anzayget het.
Gieng hin vnd wider, mercket auff,
Was vmb den Mutt wurd sein der kauff.
Ein wagn mit waytz, drauff ein Mutt gieng,
785 Ward verkaufft vmb fünff pfund pfenning.
Dem maß ein yeder mag vertrauwn.
Serms Schallauger ließ auffpaw
Auß beuelch von gmainer Stat wegn,
Die solchs bezalt, vnd ließ verlegn,
790 So er ein Burgermaister was,
Ein Pranger vnd ein stainen maß,
Dardurch all trayd wirdt abgemessn.
Thut sich ainer im kauff vergessn,

- Mist falsch oder den Kauff nit helt,
795 Wirdt er an selben Pranger gsetzt.
Also auff andern plätzen gschicht,
Pranger, Statmaß seind auffgericht.
Ich gieng von dann, Eham an den Grabn,
Wo Sleyschhacker jr fleysch sayl habn.
800 Ein rorkast zuechst bey in stet,
Aus dem trefflich gut wasser geht.
Schawet wunder ober wunder,
Ein yeder sein fleysch het bsunder,
Schaffen, keltbren, rindren, schweinen.
805 Ich bat vnd fragt der maister einen,
Das er mich vnderrichten thet:
Wievil es hie Sleyschhacker het?
Er sprach: „onser seind yetz gemainlich
Allenthalben bey sybenzig
810 Am Liechtensteg vnd an dem Grabn.
Zu Ostern jr vil mehr sayl habn.
Ich red bey meiner trew vnd ehr,
Drey hundert ochsn vnd oft noch mehr
Wochlichen werden außgewegn,
815 Sechshundert Rheelber oft darnebn.

fij

Tausent schaff, auch hundert schwein
Gmainklich müssen vorhanden sein.
All Sreytag bringt man auff den Griesß
Vier tausent ochsn vnd sunst vil viechs.“

820 Gieng hin vnd her on als gefar,
Kham auff sanct Peters freythof dar.
Da steht ein altes Tempelhausz,
Ein baum wechß zû dem Thurn herausz,
Durch quaderstück gar wunderlich

825 An dem gemewer vbersich.
Da findt ainer auch was jm gfelt.
Dreyßig wägen mit ayn ich zelt,
Dergleichen jung vnd alte hûner.
Gâns, ânten, gût sayst Kapauner,

830 Der fand ich bey acht wägen vol.
Was man zur notturfft haben soll
Von rûben, Frehn, Kraut, petersil,
Salat, das ganz jar findt man vil,
All ding ist in eim rechten Khauff.

835 Nachdem Kham ich an Soff hinauff.
Da steht ein trefflich schöner Prunn,
Das gold glenstert dran wie die Sunn,

- Künstlich von quaderstein gepawt.
Die wappen gmal't, schön außgehawt,
840 Des ganzen platz ein zier vnd schein,
Gar köstlich wasser fleußt darein.
Sündert wägen mit holz warn do,
Mer dann hundert mit hew vnd stro,
Mit Rhloen zwaynzig wägen vol.
845 Noch grösser wunder ich sagn soll:
Sünffzig fûder krewssen ich sah!
Der Krewssenrichter zû mir sprach:
„Mein freund, last euchs kain wunder sein.
Denck wol, das Rhommen seind herein
850 Sündert fûder auff einen tag,
Vnd all verkhaufft wordn, wie ich sag.
Glaub nit, das souil krewssen erwischt,
Ob sunst zway Land wurden außgfish't!“
Des brots was mancher gladner wagn.
855 Mit warheit muß ich eins noch sagn:
Ein fûder Nâgelfrenz man het,
Welchs manche jungfraw lachen thet.
An Judenplatz Rham ich zûhand,
Zehen wâgn mit festen ich fand.

f jii

- 860 Wie ich dann nun an Fische markt Fham,
Mich noch vil grösser wunder nam
Von seltsamen fischen solche meng.
Es was von Fischern groß gedreng,
von Behaim, Märhen, Zungerland.
- 865 Vierzeihen wägn mit hausen ich fand.
Solches het ich nie gsehen mein tag.
Dionysii Fischer zû mir sprach:
„Mein freünd, glaubt mir, ich red ongfer,
Sünsthalb hundert bracht man her
- 870 Frisch hausen, hie am markt gelegen,
Sabn bey neünhundert centen gwegen,
Der zeit so ich ein Fischer was,
Vnd bringt noch her on vnderlaß,
Wie ich mit warheit reden mag,
- 875 Aht wägn schayden oft auff ein tag.
Dergleich sechs wägen gwißlich wol
Mit pratfisch, hecht vnd karpffen vol.
Seekarpffen, seepundel, garauß
Zwaynzig wägn, vnd von Behaim auß
- 880 Mit karpffen zwen vnd dreysßig wägn.
Auch findt man hie an den Sastägn

- Wachsfiſch, zindel, ſchieden, mayling,
 Barben, ſtierl, förhen, ſälmbliſg,
 Reinancken, aſchn, praxen, eſchling,
 885 Schillen, ál, túck, ſchierken, ſprengling,
 Suhen, alten, ſchiegerln, perſchl,
 Rutten, neßling, roteugel, ſtrezl,
 Neunaugen, ſtainpeyß, freütterling,
 Pißgurn, baddiern, gút nórrſling.
 890 Auch findt einer weißfiſch, ſichling,
 Vil hundsfiſch, ſchnecken vnd freßling,
 Gefangen auß dem Thonaw pach.
 Der Fiſchmarckt táglich auch vermag
 Sängel, Koppen, grundel, pfriſſen,
 895 Auch karpffen, hecht nach yedes willen.
 Ob dann ſolchs alles nit wil fleckn,
 Sindt man zwölff wágen-gſaltzen hechten,
 Sechs thunnen mit gſaltzen haufen,
 Ein wußt ſtockfiſch, eim mocht drob graufen!
 900 Lachßferhen, ſtier, huhen, háring,
 Teyſſerkarpffen, plateyß, púckling.“
 Die Fiſcher nahend waſſer findn
 Zú wáſſern, auch fóñff groſſer linden

f i i i i

- Stehn an dem Fischmarckt, gromen schon.
905 Manch mensch da sichst im schatten stohn,
Von der hitz faul, da wirt es starck.
Nachmals kham ich an Sohenmarckt.
Ist ein Pranger hoch auffgestellt,
Manchem daruor das haupt empfelt.
910 Nit weit das Narrenkötterlein,
Wol verwaret mit eyßen zeyn,
Drinn manchem oft lang wirdt die weil,
So er zû nachts erwischt in eyl.
Ob dann ein argwon auff in geht,
915 Ein andre prob er gwißlich bsteht.
Des obs ich fand so mancherlay,
Dunckt das zû zeln vnmüglich sey.
Von allen orten sechst zûfürn
Zwölff gladen wâgn mit âpffl vnd pyrn.
920 Auch fand ich an derselben stat
Acht wâgen mit frischem wildprat
Von beern, hirschen, hasen, rehen.
Sunst vil wildpret samt wildschweinen,
Saffhan, feldhûner, rohrhennen,
925 Sûrwar ich wayß nit als zû nennen.

- Sundert gånß, fünffhundert hünér,
 Zway tausent vógel oder mehr.
 Oftt findstu sayl sunst seltzam viech,
 Wolff, fuchs, hund, fagen lebendig.
 930 Wieuil der wágen seind gewesn
 Mit schmaltz, hirsch, arbayß, gerstn, lásn,
 Zwespen, federbett, leinwat, har,
 Mocht ich vor dreng nit zelen gar.
 Mit fúrbiß, pluzer, vnmurcken,
 935 Melaun, erdapffl vil wágn da stehn.
 Nachmals müßt ich von herzen lachen:
 Vil plunzen, wúrst, wol hundert pachen
 Vnd hammen pawersuoldt sayl het.
 Wie ich mich sehr verwundern thet,
 940 Der vorig alte Burgersmann
 Gieng zu mir wider, sprach mich an:
 „Wie gíelt es euch, mein lieber Freund?
 Es ist gwón'licher Marcktag heunt.
 Khumbt dan, den pawermarktt auch schaut.
 945 Da findt jr káß, schmaltz, rúben, kraut,
 Milch, obermilch, mildkraum, sterzling,
 Súner, ayer, spensaw, praittling,

- Tauben vnd allen oberfluß,
 Wer das sieht, billich loben muß
 950 Dise Stat hie in disem sal
 Mit schnabelwayd für ander all.
 So der Rhünig auff Wienn zû zeucht,
 Als Goffgind sich von herten frewt.
 Täglich man Suer findt vnd hat
 955 Geln Baden, Krembs vnd Nemenstat.
 Wer sunst fraciern faren wil,
 Der findt wägen vnd fuer vil.
 Beym Rotenthurn fleugen schûzn
 Mag er dîngen, täglichen nûzen.
 960 Die wägen mit tacken verwart,
 Der reng, sunn nit mag schaden hart.“
 Ich sprach zû jm: „mein lieber Serr,
 Verargt mirs nit, ich bit euch sehr,
 Was heist man hie für policy?
 965 Sagt mir, wer ewer herrschafft sey,
 Wer müg solchs gweltigs volck regiern?“
 „Rhumbt dan mit mir, ich will euch fûrn.
 Sprach er zu mir, „vnd will euch weysen
 Ein herrschafft, die jr hoch müst preysen!

- 970 Erstlich habn wir zum Oberherrn
Serrn Ferdinand allhie auff erdn,
Welcher gweltig zû aller frist
Erzherzog zû Osterreich ist.
Von Gott verordent, vns gegeben,
975 Ist Römischer Künig auch darnebn.
In Behaim vnd in Sungerland
Gwaltiger Künig, vnd sunst vil land
Er innen hat, gewaltig ist,
Wie man in seinem Tittel list.
980 Regiert sein volck in aller güt,
Ein frumb vnd Königlichs gemüt.
Zû hilff er jm die Serren bstelt
Zû Officiern, wies jm gefelt.
Die Sochwirdigen, Sochgelerten,
985 Wolgeborn, Streng, Ehrnuesten:
Statthalter, Tantzler, Regenten,
Camerráth, vnd ander mehr
Das volck reglern mit irer lehr.
Von gmainer Stat werdt jr yetz sehn,
990 Seut eben ist die Rathwal gschehn
Durch die gemain in diser Stat,

- Vnd ist hie ein gefürster Rath.
Des zů ein zaichen gesetzt wirt
Ein Anwaldt, der do presentiert
995 Fürstens von Osterreich person.
Nachmals zů welen hebt man an,
Vnd gschieht gleich an sankt Thomastag,
Wo man in der Stat finden mag,
Sundert man, erbar, verstendig,
1000 Grumb vnd behaust, auch aufrichtig,
Von denen wirt der weyst erwelt,
Erstlich zum Burgermaister gsetzt,
Der yederman aufrichtung thů.
Darnach wehlt man vnd gibt jm zů
1005 Zwölff menner, die man ersam Rhent,
Vnd wirdt der inner Rath genent.
Bey Burgerlichem handel bleiben,
Al habbafft vnd nit handtwerk treibn.
Diser Radtwal Confirmirung
1010 Gschicht durch hochlöblichen Regierung,
Im namen Küniglicher Maiestat,
Die Anwaldt vnd Richter zsetzn hat.
Als dann erwelt man aber mer

- Dem Richter die zwölff beysitzer,
1015 Die er zû hilff bey gericht hat.
Die andern bleibn im außern Rath.
Sie khumb wir zû der Burgk gleich.
Das ist das hauß von Osterreich,
In welchem Künigklich Majestat
1020 Sambt irem Gmachel wonung hat.
Dorinn vil Künigklicher zimmer,
Gar fest gemewt, wie ein wimmer.
In das nest ist der Adler gflogen,
Vil schöner jung darinn außzogen.
1025 Ein jergarten zû lust geziert,
Srisch waßer darein gefürt wirdt,
All ding gepawt zû lust, furtzweil,
Kein fester Burgk findst ettlich meil,
Mit thürnen, gräben zu der wehr.
1030 Schaut, do khomen sie schon daher,
Die Gestrengen, Edlen, Ernuesten,
Sohgelerten vnd Sohweysen,
Die Ersamen, wie irs secht von fern,
Mein gnedig vnd gebietund herrn.
1035 Von erst Serr Doctor Wolffgang Laz,

- Der hohen Schül ein thewrer schatz,
Derzeit Rector, proceß anfieng.
Der Edl vnd Vhest bald mit im gieng,
Andre Lindawer, diser Stat
- 1040 Anwalt vnd Rhünigklicher Rath,
Auch yetzt öbrister Salzambtman.
Zur rechten seyt neben im an
Serr Burgermaister Sebastian Schrang,
Ein aufrichtig man on all sinang,
- 1045 Jung, wolberedt vnd senfftmutig,
Alts gschlechts, gelert, hochuerständig,
Die Musicam liebt, hat dran frewd.
Dem Anwalt an der tencken seyt
Geht Serr Sebastian Sütstocker,
- 1050 Erwelt, gesetzt zum Statrichter.
Nach jnen der Edl vnd Vhest Serr trat,
Serr Leopold Offner sambt dem Rath.
Auch, secht, das geht neben im her,
Der Edl Frang Igelszhofer.
- 1055 Dionysi Reck thet mit im gehn,
Also nachuolgend zwen vnd zwen:
Frang Glockesperger, Wolffgang Tobler.

- Dem folgten nach Serr Steffan Scheer,
Sans Prock, der Edel vnd Vbest Serr,
1060 Wolffgang Mangolt, Christian Reitler,
Sans Sochter, Christof Pitschelin,
Serr Christof Sayden bald nach im
Gieng, sambt Christof Engzianer,
Jezt öbrister Statkamerer.
- 1065 Dise nachuolgende mannen
Saist man Beyssiger auff der Schranken:
Serr Doctor Jacob Symelreich,
Wengel Osterreicher dergleich,
Paul Ostermayr, Steffan Purgstaller,
1070 Matthes Mayr vnd Wolffgang Aigner.
Darnach Loreng Süttendorffer
Vnd Sans Knoll, dratten auch daher.
Philip Spizweck, Thomas Sybnbürger,
Matthes Prunnhofer, Oswald Rienberger,
1075 Sans Uberman, Stewerhandler,
Auch gmainer Stat hie Büchhalter.
Im sind zwen sunst zügeben mehr:
Görg Saufer, Leopold Süttendorffer.
Caspar Wisinger, dergleich

- 1080 Leopold Ochsel, Görg Sreudenreich
 Und Cristiernus Tanstetter
 Seynd yezund allsambt Raitthandler.
 Wolffgang Magerl, Philip Mayer,
 Die seind gesetzt zû Mauthandler.
- 1085 Seht, ist das nit ein erbarkeit?
 Gott geb, das wer ein lange Zeit!
 Dise Serren, wie jr seht,
 Seind warhafft, tugendsam, gerecht,
 Doctores vnd Adels person,
- 1090 Die niemands gnûgsam preysen khan.
 Allen lastern bieten trug,
 Vnd fürdern einen gmainen nutz.
 Als thon, gedanken ligt an den,
 Zû handhabung jr freyhaiten.
- 1095 Wie man leb fridsam, halt sich wol,
 Vnd gmainen Frid erhalten sol.
 Le Wienn dem Türckn auffgeben wur,
 Neder ee leib vnd lebn verlur.
 Ob ainer seins ampts beuelch nit west,
- 1100 Der gestreng Ritter Ernuest,
 Serr Mary Beck von Leopoldsdorff gnant,

- Jeder Rechten Doctor bekannt,
 Obrister Canzler dergleich
 Diß Erzherzogthums Osterreich,
 1105 Auch Rath Küniglicher Matestet,
 Beuelch von der Regierung het,
 An stat des wohlgebornen herrn,
 Herrn Christoff zu Eyzing Freiherrn,
 Jetzt Küniglicher Statthalter
 1110 In dise Hauptstat gsetzt hieher.
 Sie vnderweisen, zaigen an,
 Was yeder lassen sol vnd than.
 Selt jenen den ayd streng für,
 Das yeder handel nach gepür.
 1115 O, mein Freund, wie ein selig gab,
 Die vns gwiß khumbt von himl herab,
 Ein solch hoch weyse Obrigkeit,
 Mit dem verstand vnd dapfferkeit!
 Ich glaub, das Gott durch dise gab
 1120 Biß her die Stat erhalten hab.
 Was anstoß hat das Edel hauß,
 Wirdt abgelaint, geschlagen auß.
 Jetzt, wie jr seht da, zwen vnd zwen

Werden sie in den Tempel gehn,
 1125 Vnd bitten vmb gnad des heylign Geyst,
 Das sie mit warhait werden gspeyst,
 Richten den armen wie den reichen,
 All strit versönen vnd vergleichen.
 Ein Ersam gmain auch wol helt sich
 1130 Nit auffrürisch, sonder willig.
 Allen Sandwerckern ist beuolhn,
 Das sie niemand beschweren solln.
 Den Peckn solchs sonderlich aufflegn,
 Das brot in wöchlich lassen wegn.
 1135 Dergleich auffß Malwerck hat man acht,
 Der armen not erstlich betracht,
 Damit nit mangel brot, fleysch, wein.
 Sab ghört, das hie sollen sein
 Sünffzig tausent Communicanten,
 1140 Ein gsamlte gmain auß allen Landen.
 Sey feind oder in fewers not,
 Ein yeder sein verordnung hat.
 Die Stat in vier viertl geteylt,
 Die Burgerschaft mit wehr zû eyt.
 1145 So bald man hört den Glocken thon,
 Müß sie auff vier plätzen stohn.

- Das Widmer viertel khumbt an Grabn,
 Die Stubmer am Lugeck plaz habn,
 Am Hof das viertel ist von Schotten.
- 1150 Rhärner viertl sein nit lest spottn,
 Wol puzt, bewehrt vnd zimlich starck,
 Die samlen sich am Newenmarck
 Bey irem Sauptman, Sendrich gschwind,
 Ein starck, bhend vnd bhergend gfind.
- 1155 Auff welchen Thurn er lauffen soll,
 Ein yeder gschriben, geordent wol.
 Dergleich in hewfern bstelt zů wehren
 Mit handt gschütz vnd mit stain abkchern.
 Wo der Seind sich herbey will gebn,
- 1160 Ein weissen Segn sicht man schwebn
 Auff dem Thurn; so fewers not,
 Der Seg der wirdt verkbert in rot.
 Wieuil vnd wo sich fewr erhebn,
 Wirt jnen solches zaichen gebn
 Im Thurn von zwayen wachtern
- 1165 Mit roten Segn oder latern.
 Die zal derselben zaigen an:
 Wo vnd wieuil auff yedem plan,

- Dann verprents kind fürcht sehr sewer.
 In grunde gar ab sechshundert bewser
 1170 Abbrunnen hie ein nacht fürwar,
 Vnd gschach im Sünff vnd zwainzigsten jar.
 Seydher hat Wienn baß drauff gedacht,
 Ein solche Sewer ordnung gmacht:
 Ein yeder Wirt in seinem hauß
 1175 Den rauchfang oft muß fheren auß,
 Packöfen oder was er hat,
 Sauber halten all sewerstat.
 Dargû ein yeder Wirt auch soll
 Saben vâsser vnd poting vol
 1180 Mit wasser oben in dem hauß,
 Ob vrbring fhumbt ein sewer auß,
 Das er bald lesch, thû vnder druckn.
 Er soll auch habn laitter vnd fruckn
 Zum abstossen, dann oft erstlich
 1185 Ein sewr, ee es steigt vbersich,
 Mit welchem nachmals reißt vnd Kempfft,
 Durch wenig. wasser wirdt gedempfft.
 So nun der Glockstrach ist gschehen,
 Der wachter hat das sewr gsehen,

- 1190 Die Sandwercker darzü gehörig,
Bald zůlauffen vnd üben sich,
Als Zimmerleut vnd Maurer,
Sä-losser vnd Schmid, Ziegeldecker,
Mit hacken, hāmern, frampen, hawn.
1195 Wer frembd ist, weder man noch frauw,
Soll nit zulauffn, sey dann bekandt,
Vnd trag wasser gschirr in der hand.
Auch seind hie aylff gemaine Bad,
Ein yedes lidren emer hat,
1200 Müssen sie bringen, emsig nůzn,
Dartzů vil vnd groß mössen sprůzn.
In ist beuolhen, wissen wol,
Ir wasser stuben halten vol,
Ob zů rettung wasser zerrunn.
1205 Ein yedes hauß hat auch ein prunn,
Mit fetten vnd saylen wol versehen.
Ob einer einen auß fhan spehen,
Der sewer legt, vnd macht in fundt,
Dem gibt die Herrschafft hundert pfund.
1210 Vnd so er mit jm wer im thon,
Man nimbt in nit gefenglich an.

b jii

Auch ob ainer ein dieb erwischt,
 Der dieblich bey dem feuer fischet,
 Rhumbt zum gericht vnd zaigt in an,
 1215 Zehen pfunde pfenning hat er daruon.
 Auch ist verordent alle zeit
 Wasserlayt vnd fürleut,
 Beym Bischof, Clöstern, Spitalmaister,
 Beym Pruckmaister, Statkamerer.
 1220 Mit roß vnd wagn zum rhörkasten
 Sich fürdern vnd mit wasser fassen,
 Sewerhacken, laittern bringen,
 Wunderlich sich oft drumb dringen.
 Dem ersten thut ein pfund gefallen,
 1225 Dem andern halbs, den andern alln,
 So oft er wasser bringt für thür,
 Zwen schilling gibt man jm dafür.
 Rhumbt dann das feuer weiter auß,
 Vnd vberfleugt des nachparrn hauß,
 1230 So reist man ab vnd stößt vor nider,
 Niemand darff sprechen was darwider.
 Dise ordnung gefelt mir wol,
 Solch Obrigkeit man loben soll.

- Ja, glaubt mir warlich, wie ich sag,
 1235 Das mancher fñrt vnbillich klag
 Vnd redt vbel der Obrigkeit,
 Welche sorgfeltig alle zeit
 Gang vätterlich denckt für vnd für,
 Wie der Tyran vertriben wñr.
- 1240 Auch was betrifft stewer anlag,
 Gibt yeder was er doch vermag
 Zñ dem gebew gang willig dar.
 Im Sommer seht jr manche schar
 Arbaiten am grabn vnd Pastey.
- 1245 Ein pollwerck znechst der Burgk herbey
 Ist weit vnd gwaltig auffgepawt."
 Wie ich mich wundert vnd die schawt,
 Der Burger sprach: „jr seind sunst mehr,
 Weiter höher vnd gwaltiger
- 1250 Zwischen der Purck, Schotten Pastey
 Spricht jr das kein stück drüber sey
 Schier in der ganzen Christenheit,
 Wölche der Kñnig furzer zeit,
 Zñ trost rettung der Edlen Stat,
- 1255 Mit grossen costen erpawet hat.

bijii

- Die Pasteyen beim Schottenthor
 Ist vil grösser höher dann vor,
 Wirt noch gwinnen ein andern Surm.
 Darnach vnten bey'm Judenthurn
- 1260 Der grab auch weit ist außgeraumbt,
 Ein Raz im Eck sich hoch auffpaumbt.
 Das wirt auch wern ein gwaltigs paw,
 Daruon man bschiessen mag die aw.
 Der Pibertburn stet nun fest
- 1265 Vnd wert sich aller frembder gest,
 Die auff der Thonaw auffwerz farn.
 Dem wirt fugl vnd puluer nit sparn
 Mit seiner Katzen vnd Pastey.
 Zu nechst bey'm Stubnthor herbey
- 1270 Die Sern von Wienn auff haben paut
 Ein Stuck, warlich wer das anschaut,
 Der spricht: „das ist ein nutz gepew!“
 Von quaderstain gemacht als new,
 Zu welchem Rünigklichs gemüt,
- 1275 Auß rechter vätterlicher güt,
 Bey'm Predigern den hohen Thor,
 Ungepaut gstanden etlich jar,

Zu diser Pasteyen vergündt.

Nachmals sah ich trefflich vil gsinde

1280 Beim Rberner thor im grabn vmbblaußn.

Die furten auff mit gwalt ein hauffn

Auß der grundtfest, nit sagen kan,

Vnd siengen ein Pasteyen an,

Noch größer dann die andern seindt,

1285 Nur als zu widerdriess dem seindt.

Sunden güt laym vnd sant darzue,

Domit man diß paw fürdern thue.

Machen Ziegl in dem grabn,

Seuser drin vnd prennöffen habn.

1290 Bey allen Pasteyen seint fagn,

Die gar weit mügen vmb sich fragn.

Der andern Polwerck ich nit meldt,

Darum man bschießen mag das feldt,

Vom Künig all zu rettung paut,

1295 Der vätterlich fürsicht vnd schaut,

Dem Wienn zu gut als thut dargebn,

Mit allen gnaden sie zu erhebn.

Der Edl vnd Vest Hermes Schallauger

Ist jez obrister Pawmaister.

- 1300 Rhumbt, schawt den grabn vnd hohen wahl,
Die mawer beschütt vberal,
Dardurch der grabn so weit ist worden.
Mancher sein hauß und hoff verlorn
Verprent, geliten große not,
- 1305 Wie Türck die Stat beleget hat.
Ich red auff meinen ayd vnd ehr,
Das gstanden in der Vorstat mehr
Dann in der Stat von festem gmewer,
Sundert zwey vnd dreyßig hewser,
- 1310 On die Spitäl, Clöster vnd Pfarr.“
Ich gienet wie ein ander narr,
Ist gleich wie wir von Troia lesn,
Jez gärten, wo vor hewser gwesh.
O Wienn, dir ist ein Seder zogn,
- 1315 Bist mehr dann halb gen hymel gflogn!
Wie ich mich hin vnd wider wandt,
Wienn stünd noch wie ein ganzes Land.
Zum Górgen Thurn von sanct Nicolaß,
Wo vor der Zeit ein Closter was,
- 1320 Vnd noch so weit reicht der Burgf Frid,
Seind viertausend vnd hundert schrit.

O Gott erhalt vns dise Stat!

Ach vatter im hymel, wers doch schad,

Das werden solt difem Tyrannen!

1325 Ir Burger vnd jr erbarn mannen,

Ich bitt durch Christum, höret mich.

O Wienn, bekher vnd besser dich,

Sunst wirdt dein unglück nur gemehrt,

Dein name Wienn in wain verkheret.

1330 Erstlich laß ab von bösem lebn,

Bekhenn dich Gott, der wils vergebn.

Ein yeder soll seim nächsten thon,

Wie er dann gern von jm wolt han.

Nachmals, wans will vonnöten sein,

1335 Der feind die Stat wolt nemen ein,

Seyt mannhafft, schießt, steht zü dem lawr,

In todt bleibt bstendig wie ein mawr!

Sabn lang gelebt in gütn tagen,

Den sack last an die rübn wagen.

1340 Wer grüßstuckt hat zü Wienn vor zeitn,

Der soll der malzeit auch erpeitn.

O lieben Christen, thüt das pest.

Wer wir getriben auß dem nest,

- Vnd solten den traydkastn verliern,
 1345 Wie wurd uns nach der Sunnen früern!
 Niemand hinsür kein frid wurd han,
 Der nechst der pest müßt alles dran.
 Drumb helfft, weil noch zû helffen ist,
 Ein yeder halt sich wie ein Christ.
 1350 Rodis last euch exempel sein.
 Wie das der Türck wolt nemen ein,
 Legt sich darfür mit großem gwalt,
 Sich pessert weder jung noch alt,
 Groß hochfart stolz, müßwillen tribn,
 1355 In jrem alten brauch belibn,
 Niemandt thet hilff, niemand het nichts.
 Wie mans außhungret wie die fuchs
 Vnd alle hilff nun was verlorn,
 Die Burgerschaft erst reich was wordn.
 1360 Groß gelt mancher het gern geben,
 Das er het fridsam mügn leben,
 Der vormals nit ein pfenning het.
 Der Türck die Stat einnemen thet.
 Prophant vnd gelt ist gnueg vorhandn,
 1365 Auch volck vnd gschütz in Teutschen Landn.

- So habn wir fromme Obrigkeit,
 Die drauff gewendt ein lange zeit,
 Vil hundert tausent gulden hat
 Järlich verpawt in dise Stat,
 1370 Das edel Wienn befestigt sey.
 Ir volck, beschützt mach sorgen frey.
 O Wienn, frew dich, glaub sicher mir,
 Die Pollwerck die auffwachsen dir,
 Wils Gott, so werdens helfen wol,
 1375 Das dir der Türck nit schaden sol.
 Türck, wie du süchst, wirst finden bschayd,
 Teutschland muß dir werden erlaydt.
 Dem Gott im hymel sagen wir lob,
 Der schwarz Adler der schwebt noch ob,
 1380 Vnd schwingt sich auff ye lenger ye mehr,
 Wirdt dich haim süchn mit großem heer.
 Weil Gott so wunderbarlich ist,
 Das Römisch reich in kurzer frist
 Durch Kayser, Khünig, brüder mildt
 1385 Mit einem Flainen heuslein gstillt,
 Darzü die Behaim mit jr macht
 Bezungen, in ein ghorsam bracht,

- Gott gibt gnad augenscheindlich ein,
 Schützt sy, wil allzeit mit in sein,
 1390 So ist auch gar noch nichts versämbt,
 Der Christen feindt wirt auch noch zämbt.
 O wie ein frolocken vnd freüdt
 Ist gewesen hie ein lange zeit,
 Wie das gschray kam, man het vernomen,
 1395 Der syghafft Rünig her solt komen,
 Wie pugt sich auff die Burgerschaft.
 Die Kauffleüt auch mit macht vnd krafft,
 Etlich tausent, ist nit erlogn,
 Dem Rünig weit entgegen zogn,
 1400 In irer rüstung wol gestalt.
 Von herzen freudt sich jung vnd alt,
 Auß jedem Thurn, durch fenster clufft,
 Schuß man wieß donnert in dem lufft.
 Es lufft, drengt, riß sich weib vnd man,
 1405 Den fromen Rünig schawten an.
 Der Rhünig auch ganz vätterlich
 Sein volk anschawet holdtselig.
 All welt ist ghorsam, stelt sich wol,
 Drumb gschicht noch wol was gschehen sol.

- 1410 Das Landvolck helt sich baß zûsamen,
Sinfür nit fleucht auff berg, in Flammen,
Wienn wirdt jn sein ein gûter schutz,
Darjnn es dir mag pieten trug.
Volck vnd gelt wirst nit mehr ergreiffn,
1415 Rhumbst wider, wölln dir baß zû pfeiffn.
Die Christen hast nit all gefressn,
Gott wirdt vnser nit gar vergessn!
Den syg, den du bißher gehabt,
Vns hast on alle not geplagt,
1420 Rhumbt nit von deinem gwalt vnd krafft,
Gott hat verhengt vnd also gschafft,
Den wir erzürnet, vrsach gebn
Mit bösem vnd Gotlosen lebn.
Welchs (Gott lob) zum thayl nimbt ein end,
1425 Das volck wirt frumb vnd sich erkhent.
Drumb zweifl ich nit, wens Gott sey ebn,
Dem Türcken werd sein lohn gegeben.
Ja wer die Stat vormals so fest
Gewesen, vnd das alle Gest
1430 Gefragt, was sie für thun hie hand,
Es stund vielleicht noch baß im Land.

i jiji

- Auff thór hat man sonder gut acht
 Vnd helt auch tag vnd nacht groß wacht.
 Die wachter ein jar mehr gestehn,
 1435 Dann in die fünff tausent gulden.
 Tetz in vnd außershalb der Stat
 Wienn tag vnd nacht jr wachter hat.
 Umb die Stat gehn sie hin vnd her,
 Sans Piesch ist Sauptman, Wachtmaister.
 1440 Sie lassen Rhain ind Stat hinein,
 Er sag dann, wer sein Wirt werd sein,
 Geb anzagung, von wann er lauff.
 Sein namen schreibens fleyßig auff.
 Die wacht wirdt tag vnd nacht verfhert,
 1445 Wie ich vom Burger het gehört.
 Würd auch auffgeschriben vnd gefragt.
 Ich gab bschayd, in all maynung sagt,
 Vnd gieng hinein in einem schwung,
 Jun Schottn auff kayserlich freyung.
 1450 Die was dem Closter eingeleibt
 Mit schranken, drinn oft mancher leit
 In güter sicherhait jar vnd tag
 Umb schulden oder vmb todtschlag.

Darauff ich ain mit schließeln fand:

1455 „Seyt jr mit diensten hinn verwandt,
Sagt mir, mein lieber Freünde mein,
Was mag das für ein Closter sein?“
Er sprach: „in dem Gotßhauß ich dienn,
Bin Mēßner, solt mich recht verstehn.

1460 Sanct Leopold hat diß Closter gstift,
Die andern hie all vbertrifft,
Mit aller herrlichkeit vnd zier
Auffpaut auff die alten monier
Mit quaderstain hinden vnd vorn,

1465 Vnd halten Benedicter ordn.
Abt Wolffgang, mein gnediger Serr,
Ist von seim gschlecht ein Traunsteiner,
Vnd gewesen ettlich jar her
Der Landschafft ain verordenter.

1470 Sürt güt haußwirthschafft, regiment,
Sat noch aylff Brüder im Conuent,
Verstendig, gelert, lesen gern
Was sich gebürt zû Gottes ehrn.
Sat sunst gschickt ettlich Brüder auß,

1475 Die Pfarr verwesen, halten hauß.

F

Auch helt er gmaine schül darnebn,
Der thüt er vnderhaltung gebn,
Prebend auff sechtzehen Knabn vnd gselln;
Die arm seind, studieren wellen.

1480 Saben auch alle malzeit, wein.

Ein yeder da muß fleyßig sein,
Zu nachts repetiern, frû auffstehn,
Man lest jr Khain nit müßig gehn,
Vnd mag da gleich so wol studiern,

1485 Als het er vil gelts zu verzern.

Ein Organisten er auch helt,
Zu schlagen, wenn ein Fest gefelt,
Ein schöne Orgel, jr da secht
Manch stymwerck, resch, güt vnd gerecht.

1490 Khumbt dan, den garten auch besicht.

Im Thurn stehet ein Or gericht
Bestendig, grecht sie lang zeyt bleibt,
Gwaltiger syben zaiger treibt.“

Ich gieng mit jm, was sein gefert,

1495 Der garten wurd mir auffgesperrt.

Die gáng die stúnden vol mit wein,
Das mag ein schöner garten sein!

- Wie ichs nun als besicht vnd sah,
Weist er mir einen stoß, vnd sprach:
1500 „Seht, da auff disem Maulberbaum
Stünden acht tisch mit gutem raum.
Den hat man sambt dreyhundert baumen
Im Türcken frieg wegk lassen raumen,
Nur nider grissen, abgehackt,
1505 Ze der Türck abzug vnd sich packt.“
Weitter furt mich derselb Meßner
Gar in einen schönen Keller,
Sat vierzig staffel minder ain,
All glegt von schönen Marmelstain.
1510 Ein gweltigs gpew vnd tieffe grufft.
Sabn auch frisch wasser, gsunden lufft
Vnd mechtig große vaß mit wein.
Das gfiel mir, dacht: „Da wer gut sein,
Wenn ich het wahl, im ganzen Land.“
1515 Blib, nam an den Schülmaister stand.
Das glück mir zülegt hinten vnd vorn
Sovil, das ich bin Burger wordn.
Mein gnedig Serrn, ein Ersamer Rath,
Ettlich weingartn eingeben hat,

Fjj

- 1520 Selffen rathen in allen dingen,
 Drumb sol ich beym Saluator singn.
 Das halff mir wol zû meim anfang.
 Mein gnediger Herr, Abt Wolffgang,
 Sambt dem ehrwürdigen Conuent,
 1525 Weil ich so lang an disem end
 Trewlich gedient, bey jnen blibn,
 Ein herrlich prouision verschribn.
 Der Schmölzl Rhain pesser schmalzgrüb fand!
 Ich lob diß ort für alle Land!
 1530 Sie seind vil Singer, saytenspil.
 Allerlay gsellshaft, frewden vil.
 Mehr Musicos vnd Instrument
 Sindr man gwißlich an Rhainem end.
 Von yederman mehr, dann sich gebürt,
 1535 Wird ich geehrt vnd wol tractiert.
 O Gott! ich Rhain dir nimmer mehr
 Gnügſam drumb sagen lob vnd ehr,
 Das ich soll sein, vergern mein zeit
 Bey diser Stat vnd Obrigkeit,
 1540 Von welcher du in deinem thron
 Mit bit, Christlich Religion

Sambt Christo vnd heyligem Geyst
Bekhent, gelobt vnd hoch gepreyßt,
Die auch auff dich gegründt fest steht.

1545 O Gott! nit laß dem Mahumet
Sein raum, uns arme zů uerdringen,
Christlichen glaubn auß der Stat bringn.
O Gott! vatter in ewigkeit!

Der gweltig bist vnd bleibst allzeit
1550 Ein Herr der scharn, sey uns gütig,
Nit richt, sey vns doch barmhertzig.
O Gott! ich bit, gedenc̃ daran,
Wie du vns hast verhaiffung than,
So das volck leb nach deiner lehr,

1555 Serzlich dich bitt, sich zů dir k̃heer,
Wollst du auch gegen jn dermaßn
Dich k̃heren vnd sie nit verlassn.
Mein Herr, mein Gott, thů vns beystehn,
Laß dein namen nit vndergehn.

1560 Der feindt nit vns veruolgt allein,
Die gang heylig christlich gemain,
So Christo deinem Son ergebn,
Denck̃t er zůbringen vmb das leb̃n.

F jii

Sein nam außreüt mit deiner macht,
 1565 Das sein nindert mehr werd gedacht!
 O Herr, mein Gott, o Gott mein Herr!
 Bit dich durch Jesum Christum sehr,
 Der für vns gelitten, gestorbn,
 Gegen dir versönt, gnad erworbn,
 1570 Wöllst vnser sünd nit sehen an,
 Wie wir gelebt, wider dich than,
 Durchs fleysch verführet allezeit,
 Thayl vns mit dein barmhertzigkeit,
 Dann du bist langmütig, gerecht,
 1575 Wir aber böß vnd vnnütz knecht.
 Gedencß, wie du mit Abraham than,
 Von fünfßzig biß auff zehen man
 Geteydigt, ob zû Sodom wern,
 Die frumb vnd gerecht vor dem Herrn
 1580 Er fänd, so woltstu in vergeben,
 Böse mit frommen läßn lebn.
 O Gott! du wölst vns nit ausschließn!
 Der frommen laß vns auch genießn,
 Sihe an die Flainen kindlein,
 1585 Die taufft vnd noch vnschuldig sein,

Christo dem Serrn eingeleibt,
 Die tödt er, wie das viech wegf treibt!
 Erhalte Wienn in deiner hüt,
 Das der Türck nit vn|schuldigs blüt
 1590 Vergieß, spott vnser in der not,
 Vnd sprech: „nun, wo ist ewer Gott?“
 O Serr! in deinem höchsten sahl,
 Rhumb doch, erfrew vns auch ein mal!
 Den Seind der Christenheit vertreib,
 1595 Damit Teutschland zúfriden bleib,
 So wirdt sich frewen jung vnd alt
 Dich preysen, mein Gott, manigfalt.
 Auch Serr, ich bitt, istz der will dein,
 So laß Wienn hie mein Freythoff sein!
 1600 Das also gscheh vnd werd vns war,
 Wúnscht Wollff Schmálzl zum newen jar.

Amen.

F j j j j

W i e n 1849.

Gedruckt bey Leop. Sommer, (vormals Strauß)
F. F. Hofbuchdrucker





This book should be returned to
the Library on or before the last date
stamped below.

A fine of five cents a day is incurred
by retaining it beyond the specified
time.

Please return promptly.

~~DUE NOV 28 '11~~

